

# 14. Pwll Llydan

## Cilibion, Gŵyr, Abetawe


<b>Cyfeiriadau Grid</b>	Map Explorer 164 yr A.O. Gŵyr; Canolfan y Safle; SS510910.
<b>Statws</b>	Mae'r warchodfa'n rhan fechan o SoDdGA Cefn Bryn a Phwll Llydan sydd, yn ei dro, yn rhan o safle Natura 2000 Ewropeaidd, Comin Gŵyr. Mae'n dir comin cofrestredig ac mae wedi'i ddatgan yn dir mynediad agored.
<b>Daliadaeth</b>	Derbyniodd yr Ymddiriedolaeth Bwll Llydan yn rhodd fis Mai 1962 gan Ddug Beaufort, fel gwarchodfa natur gyntaf Ymddiriedolaeth Morgannwg.
<b>Maint</b>	Pwll asidig 1.71 he (4.2 erw).
<b>Lleoliad a Nodiadau Mynediad</b>	Wedi'i leoli 3 km i'r gogledd-ddwyrain o Reynoldston, mae'r pwll i'w weld o'r ffordd rhwng Cilibion a Reynoldston, ar yr ochr ogleddol. Ceir mynediad i'r safle o ffordd ogleddol Gŵyr (B4271), drwy droi i'r dde yng Nghilibion, neu o ffordd ddeheuol Gŵyr (A4118), drwy Reynoldston. Mae'r gofod parcio wedi'i gyfyngu i ymylon ffyrdd.
<b>Cludiant cyhoeddus</b>	Gwasanaethau bws 115 a 118 o Orsaf Quadrant Abertawe i Gilibion, ac yna croesi ar draws y comin.

**Description:** Mae Pwll Llydan yn bwll mawr o ddŵr croyw sydd i'w weld mewn basn bas ar y llwyfandir calchfaen islaw Cefn Bryn. Mae'n un o nodweddion amlycaf ac enwocaf canol y Gŵyr. Rydym yn gwybod bod y Pwll mewn bodolaeth yn 1645. Mae'n ymddangos bod ei darddiad yn naturiol ond eto ceir tystiolaeth bod y pwll wedi cael ei addasu drwy dynnu gwaddod a llystyfiant ohono o ddiwedd y ddeunawfed ganrif. Er gwaetha'r ffaith ei fod yn fas iawn, dim ond teirgwaith yn y cant a phedwar ugain o flynyddoedd diwethaf y mae Pwll Mawr wedi'i gofnodi wedi sychu, a hynny yn 1897, 1920 ac 1984.

Mae'r Pwll yn cynnwys casgliad cyfoethog o blanhigion dŵr, yn cynnwys Dyfrforon Lleiaf (6-8) a Myrdd-ddail Eilflodeuog (5-8), dau blanhigyn anghyffredin yn Ne Cymru. Mae Ffeuen Eddiog y Gors (6-9) yn bresennol ac mae wedi rheoli'r llystyfiant dyfrol yn y gorffennol. Dim ond mewn ardal fechan o Dde Ddwyrain Lloegr mae'r planhigyn atyniadol ac anghyffredin hwn yn frodorol ac fe'i cyflwynwyd i Bwll Llydan tua 1952.

Mae amrywiaeth eang o adar dŵr ac adar tir gwlyb yn ymweld â'r pwll, yn cynnwys y Crëyr, y Giach Gyffredin a'r Wyach Fach, ac mae adar mudol sy'n mynd heibio, fel y Pibydd Torchog a'r Pibydd Coesgoch Mannog, i'w gweld yma hefyd. Mae'n safle magu pwysig yn lleol ar gyfer amffibiaid ac mae'n gartref i infertebratau dyfrol amrywiol, yn cynnwys Pryf Pric y Dŵr a Sgorpion y Dŵr, a phedwar rhywogaeth ar ddeg o weision y neidr, yn cynnwys y Fursen Asur (7-8) a'r Gwas Neidr Eurdorchog (6-8). Gan fod hawliau pori ar y comin, gwelir gwartheg a merlod yn yfed dwr y Pwll yn aml iawn.

**Nodau Rheoli:** Cynnal y safle o ddŵr agored a rheoli ffeuen eddiog y gors. Mae ymlediad ffeuen eddiog y gors yn ystod y 1960'au, ac ymlediad dilynol y brwyn a'r migwyn, wedi bygwth newid y cynefin o ddŵr agored i gors. Yn ystod sychdwr 1984 roedd modd cael gwared ar y llifwaddod ac adfer y pwll i'w gyflwr gwreiddiol. Mae'r erydiad ar hyd ymyl y pwll yn cael ei fonitro hefyd.



### Amseroedd da i ymweld

Ebrill - Awst	Blodau'r dŵr a'r pryfed, yn cynnwys gweision y neidr
Medi - Ebrill	Adar mudol yn mynd heibio ac adar ysglyfaethus yn gaeafu